



Պարույր Սևակ

Միրո փոխարեն

Դու մի՛ լինիր այսքան բարի:

Բարությանը

Ես կարող եմ լուկ մե՛կ բանով փոխհատուցել՝

Իմ անարժե՛ք շփոթությամբ

Եվ թերևս ա՛յն թախիծով,

Որ տարորեն շատ է նման

Անվերջ մեռնող ու հարություն անվերջ առնող

Հին դիցերին...

Չէի՞ ուզի:

Շա՛տ կուզեի

Առաջվա պես հրճվել գեղջուկ այս կանաչով,

Որ հիմա քո

Ջսպանակվող կողի տակ է զսպանակվում,

Եվ բարբարոս երգը լսել այն առվակի,

Որ հիմա քո

Մերկ ոտների կաղապարն է ուզում հանել:

Չէի՞ ուզի:

Շա՛տ կուզեի

Մե՛կ անգամ էլ

Չճանաչել ո՛չ մի արգելք ու խոչընդոտ,

Դանդա՛ղ գնալ - շտա՛պ հասնել

Մեր մարդկային հայրենիքը սկզբնական,
Այսինքն՝ իմ ավուկ ապրել քո ավի մեջ,
Ինձ կապել ու շողկապել քեզ
Այնպե՛ս,
Որ մենք երկուսովըս մեկտեղ դառնանք
Անքակտելի՝ խաչքառի՛ պես:
Չէի՞ ուզի:
Շա՛տ կուզեի:
Բայց, սիրելի՛ս, չի հոգնում նա՛,
Ով գնում է շատ հեռավոր՝ հանդիպումի:
Իսկ ես հիմա
Զբոսնում եմ միայն ի՛նչ իսկ արվարձանում
Եվ գբոսնում՝
Ձեռքերովըս փորագրած մականիշները ընթերցելով,
Ու քերծելով շատ ավելորդ գրություններ,
Ու քերծելով առանց մուրճի և տաշիչի՝
Եղունգներո՛վ իմ սեփական...
Եվ իզո՛ւր ես քո բարությանբ,
Քո այս ծածուկ - հայտնի սիրով
Զանում ապրել իմ կալվածքի մի անկյունում:
Ու ես հիմա
Այս ասում եմ ո՛չ լսելուդ համար արդեն,
Ո՛չ էլ իմ իսկ արդարացման,
Ո՛չ էլ իմ իսկ արդարացման:
Եթե կուզես ճիշտն իմանալ՝
Ասելիս էլ բա՛ն չեմ ասում, ամենևի՛ն,
Այլ պարզապես զբաղմունքս եմ շարունակում՝
Իմ սեփական կալվածքի մեջ
Հոգնածորեն զբոսնելով,
Եվը՛ս մի նոր

Գրություն են ավելացնում ջնջածիս տեղ.

«Չի հոգնում նա՛,

Ով գնում է շատ հեռավոր հանդիպումի»:

Իսկ դու... իսկ դու շա՛տ ես մոտիկ:

Ու ես... ու ես շա՛տ եմ հոգնած...

25.X.1965թ.

Չանախչի